

## Тоғутга ибодат қилғанлар



19:00 / 19.11.2024 773

Аллоҳ таоло Қуръони Каримда шундай марҳамат қиласы:

وَغَضِبَ اللَّهُ لَعْنَهُ مَنْ أَنْلَى اللَّهُ عِنْدَ مَثُوبَةٍ ذَلِكَ مَنْ بَشَّرَ أَنِيَّتُكُمْ هَلْ قُلْ

مَكَانًا شَرًّا أَوْ لَتِيكَ الْطَّغُوتَ وَعَبْدَ وَالْخَنَّازِيرَ الْقَرَدَةَ مِنْهُمْ وَجَعَلَ عَلَيْهِ

السَّبِيل سَوَاءٌ عَنْ وَأَضَلٌ ٦٠

**«Сизларга Аллоҳнинг ҳузурида бундан ҳам кўра «савоби» ёмонроқ кимсанинг хабарини берайми? Улар Аллоҳ лаънатлаган, ғазаб қилган, улардан (айримларини) маймунлар ва чўчқалар қилган ҳамда тоғутга ибодат қилган кимсалардир. Ана ўшалар ёмон мартабадаги ва тўғри йўлдан энг адашганлардир», - деб айт!» (Моида сураси, 60-оят)**

Аҳли китоблар мусулмонларга иймонларини айб қилиб қўйишлари аввалги оятда қораланган эди. Энди ундан ҳам баттар ишлар бўлиб ўтгани баён этилмоқда. У замон бу ҳодисаларда фақат яҳудийларгина (аҳли китоблар сифатида) иштирок этганлари учун бу ерда ўшаларнинг ҳоли кўрсатилмоқда. Аллоҳ таоло Набий соллаллоҳу алайҳи васалламга уларга мусулмонларнинг иймонларини айблашдан ҳам кўра ёмонроқ «савоб» ҳақида хабар беришни буюрмоқда. У «савоб»:

Биринчидан:

**«...Аллоҳ лаънатлаган» бўлишлари.**

Яҳудийларнинг Аллоҳ таолонинг лаънатига учраши, раҳматидан қувилиши бошқа сураларда батафсил баён этилган. Яҳудийлардан бошқа лаънатга учраган қавмнинг зикри Қуръонда келмаган. Ўзлари шундай улкан «савоб»га – Аллоҳнинг лаънатига учраб туриб, яна мусулмонларни Аллоҳга ва У нозил қилган нарсага иймон келтирғанлари учунгина айблашни уларга ким қўйибди?!

Иккинчидан: Аллоҳ

**«...ғазаб қилган» бўлишлари.**

Бу ҳам бошқа сураларда кўпроқ баён қилинган. Ўзи Аллоҳнинг ғазабига учраган маълум ва машҳур қавм бўлса-ю, мусулмонларни иймонлари учунгина айблашса?!

Учинчидан: Аллоҳ уларнинг айримларини

**«...маймунлар ва чўчқалар қилган...» бўлиши.**

Яҳудийларнинг маймун ва чўчқага айлантирилишлари ҳақидаги батафсил баёнотлар ҳам бошқа сураларда келади. Аллоҳга исёнлари ва беодобликлари учун маймун ва чўчқага айлантириб қўйишдек «савоб»га мушарраф бўлган бадбаҳтлар Аллоҳга ва У Зот нозил қилган нарсага иймон келтирғанликлари учунгина мусулмонларни айблаб ўтиrsa?!

Тұртингидан:

**«...тоғутга ибодат қылган кимсалар» бўлишлари.**

Яҳудийлар Аллоҳнинг кўрсатмасидан чиқиб, тоғутга ибодат қылганлар. Тоғут, аввал айтиб ўтилганидек, Аллоҳдан бошқа маъбуддир.

Бу жойдаги «тоғутга ибодат қылди» жумласи «унга сажда қылди» деган маънени билдирамайди. «Ибодат»нинг маъноси кенг ва шомилдир. Бу ерда у Аллоҳнинг кўрсатмасини қўйиб, бошқанинг кўрсатмасига юриш маъносини билдирамоқда. Аҳли китоблар аҳбор ва роҳибларини илоҳ қилиб олганликлари ҳақида оят нозил бўлганда, Адий ибн Хотим Набий соллаллоҳу алайҳи васалламга «Биз уларга ибодат қылганимиз йўқ-ку», деган маънода савол беради. Шунда Набий соллаллоҳу алайҳи васаллам «Сизлар улар ҳалол деган нарсани ҳалол, ҳаром деган нарсани ҳаром санагансизлар, шу уларга ибодат қылганингиздир», деган маънода гап айтганлар.

Ўзлари тоғутга ибодат қылган яҳудийларга Аллоҳга ибодат қиласидиган мусулмонларни айблашни ким қўйибди?! Бунга қандай ҳақлари бор?! Бирорни айблашдан олдин ўзларининг ким эканликларини бир ўйлаб олсинлар. Чунки ўзлари:

**«...ёмон мартабадаги ва тўғри йўлдан энг адашганлардир».**

Юқорида яҳудийларнинг тарихда олган «савоб»лари ҳақида маълумот берилди.

**«Тафсири Ҳилол» китоби асосида тайёрланди**